

## Døden

Det er lenge til eg skal døy,  
har eg bestemt.  
Det er mykje eg skal ha gjort  
før den tid,  
mange jenter eg skal kysse  
og gifte meg med,  
mange land eg skal besøke  
og hav eg skal symje i.  
Og når døden ein dag kjem  
i den store svarte bilen sin,  
skal eg først be han inn  
på ein kopp svart kaffi  
før vi set oss inn i bilen og kjører.  
Og når døden snur seg mot meg  
og spør: No, har du fått  
gjort alt du skulle?  
skal eg svare fornøgd:  
Ja, det har eg.

*Ragnar Hovland*